

MODIFICACIÓN DOS ESTATUTOS DA ASOCIACIÓN POR CAMBIO DE ÁMBITO TERRITORIAL
ASOCIACIÓN CAMIÑOS A SANTIAGO POLA RIBEIRA SACRA
ESTATUTOS
DENOMINACIÓN, ÁMBITO E DOMICILIO

TÍTULO I

DA ASOCIACIÓN EN XERAL

PREAMBULO

De entre os Camiños á Santiago pola Ribeira Sacra, ten adquirido vital importancia o denominado Camiño de Inverno, recoñecido pola Lei 5/2016, de Patrimonio Cultural da Xunta de Galicia, como unha das rutas xacobeanas a Santiago de Compostela. O Camiño de Inverno foi tradicionalmente utilizado polos peregrinos coa fin de evitar as neves do Cebreiro, desviándose do Camiño Francés desde Ponferrada pasando polas Médulas (declarado Patrimonio da Humanidade) e atravesa as catro provincias galegas: A veira do río Sil percorre as comarcas de Valdeorras (Ourense) e Quiroga, continúa á veira do Miño por Monforte e Chantada (Lugo) atravesando territorio da Ribeira Sacra (espazo de enorme riqueza paisaxista e patrimonial que actualmente está proposta para a declaración de Patrimonio da Humanidade), e adéntrase na zona central de Galicia pola subida ao monte Faro, continuando por Rodeiro, Lalín, Silleda (Pontevedra) ata chegar a Santiago de Compostela como destino de peregrinación xacobeira.

Art. – 1º

A Asociación ASOCIACIÓN CAMIÑOS A SANTIAGO POLA RIBEIRA SACRA Constitúese no ano 1999 no Concello de Monforte de Lemos, coa fin de recuperar, investigar e divulgar a Ruta Xacobeira que descorre polo Sur de Lugo, e posteriormente amplía as súas actividades ao longo de toda a ruta do Camiño de Inverno, polo que se fai preciso a modificación territorial da asociación de acordo á realidade actual das súas actividades.

A asociación regúlase pola vixente Lei Orgánica 1/2002 de 22 de marzo, reguladora do Dereito de Asociación e demais lexislación existente en materia de Asociacións que lle sexa aplicable, dentro do marco da Constitución e do resto do ordenamento xurídico, con capacidade xurídica e plena capacidade de obrar, carecendo de ánimo de lucro e sen estar sometida a ningún réxime associativo específico.

Art. - 2º

Os fins da Asociación son:

- O estudo, investigación e divulgación os camiños a Santiago pola Ribeira Sacra, e especialmente do Camiño de Inverno dada a importancia deste itinerario na época medieval como ruta seguida a Santiago de Compostela.



- A análise e promoción dos recursos artísticos, históricos patrimoniais e culturais dos territorios por onde transcorre o Camiño de Inverno.

- A defensa e promoción do Camiño de Inverno, como Ruta de peregrinación diferenciada dos Camiños a Santiago más tradicionais, e a proxección e divulgación da súa riqueza patrimonial, cultural, etnográfica e paisaxista que a convirten en única aos ollos dos visitantes.

Para o cumplimento destes fins faranse as seguintes actividades:

- Organizacións de cursos, seminarios e conferencias que sigan documentando a existencia do Camiño, dando a coñecer os resultados obtidos en estudos anteriores.

- Velar pola correcta sinalización, limpeza e mantemento do Camiño coa implicación/colaboración dos Concellos por onde transcorre e da Xunta de Galicia (Xacobeo) para a súa conservación e posta en valor.

- Recorrido das distintas etapas definidas na Ruta, organizando xornadas para asociación, centros de ensino, grupos interesados etc., destacando e promocionando deste xeito, a riqueza natural e cultural do Camiño de Inverno.

- Manter relacións coas diferentes entidades das outras comarcas polas que discorre o Camiño de Inverno e que teña por obxectivo a promoción deste camiño.

- Promocionar esta Ruta como itinerario na Ribeira Sacra mediante publicacións de folletos, libros, vídeos, páxinas Web etc.

Art.- 3º

O domicilio da Asociación radicará na rúa historiador Germán Vázquez, número 15, de Monforte de Lemos, na provincia de Lugo.


Art.- 4º

A Asociación desenvolverá, principalmente, as súas actividades polas catro provincias gallegas por donde discorre o trazado do Camiño de Inverno sen prexuízo de que poda realizar actividades en calquera ámbito exterior en canto serva para a o estudo, promoción e divulgación dos seus fins. A súa duración será indefinida e só se disolverá conforme a estes Estatutos, pola vontade dos asociados expresada en Asamblea Xeral, convocada ó efecto e por calquera das causas previstas nas leis, así como por sentencia xudicial firme.

Art.- 5º

A Xunta Directiva, como órgano de representación da Asociación, será competente para interpretalos preceptos contidos nestes Estatutos, someténdose en todo momento á normativa legal vixente en materia de Asociacións.

Os presentes Estatutos serán desenvolvidos e cumplidos mediante acordo que válidamente adopten a Xunta Directiva e a Asamblea Xeral, dentro das súas respectivas competencias.



TÍTULO II

DOS ÓRGANOS DIRECTIVOS E DA FORMA DE ADMINISTRACIÓN

Art.- 6º

A Dirección e Administración da Asociación serán exercidas pola Presidencia, a Xunta Directiva e a Asamblea Xeral.

Art. – 7º

O Presidente da Asociación, que o será tamén da Xunta directiva, asume a representación legal da mesma e executará os acordos adoptados pola Xunta Directiva e a Asamblea Xeral, presidindo as sesións que celebre unha e outra.

Art. – 8º

A Xunta Directiva é o órgano de representación que xestionan e representan os intereses da Asociación, de acordo coas disposicións e directivas da Asamblea Xeral. Estará formada por un Presidente/a, un Vicepresidente/a, un Secretario/a, un Vicesecretario/a, un Tesoureiro/a e o número de Vocais que determine a Asamblea Xeral.

Só poderán formar parte da Xunta Directiva aquelas persoas que ostenten a condición de asociadas, que sexan maiores de idade, teñan o pleno uso dos dereitos civís e non estean nos motivos de incompatibilidade establecidos na lexislación vixente.

Art. – 9º

Os cargos que componen a Xunta Directiva elixiranse pola asamblea Xeral e terán unha duración de tres anos, aínda que poderán ser obxecto de reelección. As vacantes que se poideran producir durante o mandato de calquera dos membros da Xunta Directiva, serán cubertas provisionalmente entre ditos membros ata a elección definitiva pola Asamblea Xeral.


Os cargos da Xunta Directiva poderán causar baixa por expiración do mandato, por incumprimento das obrigas que teñan encomendadas ou por renuncia voluntaria comunicada por escrito á Xunta Directiva. Os que esgotaren o prazo para o cal foran electos, continuarán ostentando os seus cargos ata o momento no que se produza a aceptación daqueles asociados que os substitúan.

Art. – 10º

Os membros da Xunta Directiva non percibirán retribución polo cargo desempeñado.

Art. – 11º

A Xunta Directiva celebrará as súas sesións tantas veces o determine o Presidente/a, por iniciativa propia ou a petición da maioría simple dos seus membros. Para que os seus acordos sexan válidos, deberán ser adoptados pola maioría de votos dos asistentes, sendo precisa a concorrencia, polo menos da metade máis un dos seus membros, incluídos o Presidente/a e o Secretario/a, ou quien estatutariamente os substitúan.



Art. - 12º

Son funcións da Xunta Directiva:

- Dirixir las actividades sociais e levar a xestión económica e administrativa da Asociación, acordando realizar os oportunos contratos e actos.
- Executar os acordos da Asamblea Xeral.
- Elaborar e someter á aprobación da Asamblea Xeral os presupostos anuais e o estado das contas.
- Elaborar o regulamento de réxime interno que será aprobado pola Asamblea Xeral.
- Resolver sobre a admisión de novos asociados.
- Nomear delegados para unha determinada actividade da Asociación.
- Calquera outra facultade que non sexa de exclusiva competencia da Asamblea Xeral de socios.

Art. – 13º

O presidente da Xunta Directiva terá, ademáis das facultades asignadas no Art.-7º, as atribucións seguintes:

- Convocar e levantar as sesións que celebre a Xunta Directiva e a Asamblea Xeral, dirixilas deliberacións de unha e de outra, decidindo con voto de calidade no caso de empate.
- Ordenar os pagamentos acordados válidamente.
- Adoptar calquera medida urgente que a boa marcha da Asociación aconselle ou resulte necesaria no desenvolvemento das súas actividades, sen perxuizo de dar conta posteriormente á Xunta Directiva.

Art. – 14º


O Vicepresidente substituirá ó Presidente en ausencia deste, motivada por enfermidade ou calquera outra causa, terá as mesmas atribucións que él.

Art. – 15º

O Secretario levará o Rexistro de Socios e terá ó seu cargo a dirección dos traballos administrativos da entidade. Levantará acta das sesións celebradas pola Xunta Directiva e pola Asamblea Xeral e faráse cargo das mesmas. Custodiará a documentación oficial da entidade, expedindo certificacións das actas e dos acordos tomados polos órganos de goberno e representación co visto e prace do Presidente. Correspóndelle así mesmo a convocatoria, por orde da presidencia, das Asambleas Xerais, e da Xunta Directiva, a elaboración da orde do día, así como a tramitación e xestión de inscricións de modificación de estatutos e Xunta Directiva nos rexistros competentes. No caso de vacante, ausencia ou enfermidade será substituído polo Vicesecretario.

Art.- 16º

O Tesoureiro recadará e custodiará os fondos pertencentes á Asociación e dará cumprimento ás ordes de pagamento que expida o Presidente. Así mesmo, formalizará o presuposto anual de ingresos

Two handwritten signatures in blue ink are shown side-by-side. The signature on the left is longer and more fluid, while the one on the right is shorter and more compact.

e gastos e o estado de contas do ano anterior, que deben ser presentadas á Xunta Directiva, para que ésta á súa vez, os someta á aprobación da Asamblea Xeral.

Art. – 17º

Os Vocais terán as obrigas propias do seu cargo como membros da Xunta Directiva, así como as que nazcan das delegacións que a propia Xunta lles encomende.

Art. – 18º

A Asamblea Xeral é o órgano supremo de governo da Asociación, integrada polos asociados, que adopta os seus acordos polo principio maioritario ou de democracia interna, e que reunirse sempre que o acorde a xunta Directiva, por propia iniciativa ou polo que acorde a décima parte dos seus asociados.

Obrigatoriamente a Asamblea Xeral deberá ser convocada en sesión ordinaria, polo menos unha vez ó ano, dentro dos catro meses seguintes ó peche do exercicio, para aprobar o Plan Xeral de actuación da Asociación, censurala xestión da Xunta Directiva, aprobar, no seu caso, o presuposto anual de ingresos e gastos, así como o estado de contas correspondente ó ano anterior, fixalas cuotas ordinarias ou extraordinarias que deben pagalos os asociados e cantas outras cuestión se sometan á votación no capítulo de rogos e preguntas, sen que sexan competencia exclusiva da Asamblea Extraordinaria.

Art. – 19º



A Asamblea Xeral convocarase pola Xunta Directiva, con carácter extraordinario, cando esixan as disposicións vixentes, o acorden os membros da Xunta Directiva ou o solicite un número de asociados non inferior ó 10 por cento, e en todo caso para a modificación dos Estatutos, para nomealos membros da Xunta Directiva, disposiciónou alleamento de bens, determinación das compensacións que podan corresponder aos membros da Xunta Directiva, no seu caso, pos asistencias a reuniós, viaxes ou outros gastos xustificados, disolución da Asociación, expulsión de asociados a proposta da Xunta Directiva, aprobación do regulamento de réxime interno e a solicitude de Declaración de Utilidade Pública. Tamén é da súa competencia a constitución de Federacións, Confederacións ou Unións ou a súa integración nelas.

Art. – 20º

As convocatorias das Asambleas Xerais, tanto ordinarias coma Extraordinarias, serán feitas por escrito, expresando o lugar, data e hora da reunión, así como a orde do día. Entre a primeira convocatoria e o día da reunión, deberán mediar polo menos quince días naturais. A segunda convocatoria realizarase media hora máis tarde que a primeira.

Art. – 21º

As Asambleas Xerais Ordinarias ou Extraordinarias, quedarán válidamente constituídas en primeira convocatoria, cando concorran a elas, presentes ou representados, a metade máis un dos asociados, e en segunda convocatoria calquera que sexa o número de asistentes.



Art. – 22º

Os acordos da Asamblea Xeral adoptaranse por mayoría simple das persoas presentes ou representadas, cando os votos afirmativos superen ós negativos. Non obstante, requerirán mayoría cualificada das dúas terceiras partes das persoas presentes ou representadas, os acordos relativos á disolución da asociación, modificación dos Estatutos, disposición ou alleamento de bens.

Art. – 23º

A Asociación disporá dunha relación actualizada dos seus asociados, levará unha contabilidade que reflecta a imaxe fiel do patrimonio, do resultado e da situación financeira da entidade, así como das actividades realizadas. Efectuará un inventario dos seus bens e recollerá nun libro de Actas as reunión da Asamblea Xeral e da Xunta Directiva.

TÍTULO III

DOS ASOCIADOS, DEREITOS E OBRIGAS

Art.- 24º

Poderán ser membros da Asociación, libre e voluntariamente, as persoas físicas e as persoas xurídicas, legalmente constituídas, sexan estas públicas ou privadas, que dalgunha maneira teñan interese en servilos fins da mesma e sexan admitidos pola Xunta Directiva, a cal poderá outorgalo nomeamento de membro honorario ás persoas que estime oportuno, a título meramente honorífico, sen que iso leve consigo a condición xurídica de asociado.

As persoas físicas deberán ter capacidade de obrar e non estarán suxeitas a ningunha condición legal para o exercicio do derecho.

As persoas xurídicas de natureza asociativa requerirán, para formar parte da asociación, o acordo expreso do seu órgano competente e as de natureza institucional o acordo do seu órgano rector.

Art. – 25º

Aquelhas persoas que desexen pertencer á Asociación, solicitarano por escrito ó Presidente, o cal dará conta á Xunta Directiva, que resolverá sobre a admisión ou inadmisión do asociado, con recurso perante a Asamblea Xeral.

Art. – 26º

Os asociados poderán solicitala súa baixa na Asociación voluntariamente, comunicada por escrito á Xunta Directiva, pero isto non lles eximirá de satisfacelas obrigas que teñan pendentes con ela.

A Xunta Directiva poderá separar ou expulsar da Asociación a aqueles asociados que realicen actuacións que contraveñan os fins da asociación ou dalgún xeito emitan manifestacións que perxudiquen gravemente a súa imaxe, polo que poderán ser declarados indignos de seguir pertencendo á mesma, así como adoptar calquera outra medida disciplinaria contra aqueles.

separación ou expulsión, así como calquera outra medida disciplinaria adoptada, será precedida de expediente no que deberá ser oído o interesado, o cal será informado dos feitos que dean lugar a tales medidas, debendo ser motivado o acordo que, no seu caso, impoña a sanción. Este acordo en todo caso deberá ser ratificado pola da Asamblea Xeral e contra a súa resolución poderase recorrer perante a xurisdicción ordinaria.

Art. – 27º

Estableceranse dous tipos de socios:

- Socios Fundadores, que serán aqueles que participen no acto de constitución da Asociación.
- Socios de Número, que serán os que ingresen despois da constitución da Asociación.

Ambos tipos de socios teñen os mesmos dereitos e as mesmas obrigas.

Art. – 28º

Os asociados terán os seguintes dereitos:

- Participar nas actividades que promova a Asociación e nos actos sociais que organice pata tódolos asociados.
- Gozar de tódalas vantaxes e beneficios que a Asociación poda ter.
- Asistir e exercitalo dereito de voz e voto nas Asambleas Xerais. En todo caso cada asociado que sexa persoa xurídica terá dereito a un só voto.
- Ser nomeado membro da Xunta Directiva na forma que prevén os Estatutos.
- Posuir un exemplar destes Estatutos e ter coñecemento dos acordos adoptados polos órganos directivos.
- Ser informado sobre a composición da Xunta Directiva da asociación.
- Que se lle poña de manifestó o estado de contas, ingresos e gastos da Asociación tódolos anos, así coma do desenvolvemento da súa actividade.
- A impugnalos acordos dos órganos da asociación que estime contrarios á Lei e ós Estatutos.

Art. – 29º

Serán obrigas de tódolos asociados:

- Compartilhas finalidades da asociación e colaborar para a consecución das mesmas.
- Observar una boa conducta individual e cívica.
- Acatalos presentes Estatutos e os acordos válidamente adoptados pola Asamblea Xeral.
- Abonalaras cuotas periódicas ou extraordinarias que acorde a Asamblea Xeral.
- Desempeñar fielmente as obrigas inherentes ó cargo que desempeñen.
- Cumprilo resto das obrigas que resulten destes Estatutos, así como as establecidas na normativá reguladora do dereito de asociación.

TÍTULO IV

DO RÉXIME ECONÓMICO E DA DISOLUCIÓN DA ASOCIACIÓN

Art. – 30º

A Asociación carece de patrimonio fundacional e o seu presuposto anual será o que se determine a principios de cada ano pola Asamblea Xeral.

Art. – 31º

A data de peche do ejercicio económico da asociación será o 31 de decembro e as contas da asociación serán aprobadas anualmente pola Asamblea Xeral.

Art. – 32º

Os recursos económicos previstos para o desenvolvimento das actividades sociais serán os seguintes:

- As cuotas periódicas que acorde a Asamblea Xeral.
- As cuotas extraordinarias que propoña a Xunta Directiva e sexan aprobadas pola Asamblea.
- Os productos dos bens e dereitos que lle correspondan, así como as subvencións, legados, doazóns que poda recibir de forma legal.
- Os ingresos que obteña a Asociación mediante o exercicio de actividades económicas lícitas que acorde realizala Xunta Directiva, incluídas as prestacións de servicios, deberán destinarse exclusivamente ó cumprimento dos seus fins estatutarios.

Art. -33º

A Asociación e disporá dunha conta bancaria, na entidade na que a Xunta Directiva decida, para xestión dos seus recursos económicos. Terán capacidade de acceso á mesma, indistintamente, Presidente, Tesoreiro, Secretario e Vicesecretario.

Art. – 34º

Terán apoderamento para poder actuar en conta o Presidente, Tesoreiro, Secretario e Vicesecretario. A firma pasará de ser mancomunada a firma solidaria (Presidente, Tesoreiro, Secretario e Vicesecretario)

Art. -35º

No caso de disolverse a Asociación, a Asamblea Xeral que acorde a disolución, nomeará unha Comisión Liquidadora composta por cinco membros, a cal farase cargo dos fondos que existan, para que, una vez satisfeitas as obrigas, o remanente, se o houbera, sexa entregado a calquera entidade constituída, con domicilio nesta provincia, que se dedique a iguais, ou no seu defecto, a análogos fins que esta asociación, ou a unha entidade benéfica.

Así mesmo, no caso de insolvencia da asociación, a Xunta Directiva, ou se é o caso, os liquidadores nomeados pola Asamblea Xeral, promoverán de inmediato o oportuno procedemento concursal perante o xuíz competente.



DISPOSICIÓN ADICIONAL


En todo canto non estea previsto nos presentes Estatutos se aplicará a Lei Orgánica 1/2002, do 22 de marzo, reguladora do Dereito de Asociación e demais disposicións complementarias.

Dilixencia:

Dona Aida Sara Victoria Menéndez Lorenzo, presidenta e don Francisco Javier Aira Losada, secretario da Asociación Camiños a Santiago pola Ribeira Sacra fan constar que estes estatutos foron modificados en Asemblea Xeral Ordinaria celebrada en Monforte de Lemos o 2, de febreiro de 2020, co obxecto de adaptalos aos requisitos establecidos na Lei orgánica 1/2002, de 22 de marzo, reguladora do derecho de asociación, seguindo o procedemento previsto no Real decreto 949/2015 de 23 de outubro polo que se aproba o Regulamento do Rexistro Nacional de Asociacións.

En Monforte de Lemos, a 12 de marzo de 2020.

O/a secretario/a



Asdo.: Fco. Javier Aira

O/a presidente/a



Asdo.: _____